



Sarajevo, 23. 3. 2026. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r predsjedavajućeg Marinka Čavare

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23-03-2026

Organizaciona jedinica	Klasifikaciona oznaka	Redni broj	Broj priloga
01-50-1		893/26	

Na osnovu člana 8, 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25 i 7/26), podnosimo poslaničku

INICIJATIVU

kojom se zadužuje/traži od Vijeća ministara BiH da pokrene postupak izmjene Odluke Vijeća ministara BiH o načinu i postupku ostvarivanja prava na naknadu za porodijsko odsustvo („Službeni glasnik BiH“, br. 95/10, 10/13, 44/15 i 61/18) u smislu povećanja, odnosno usklađivanja naknade za porodijsko odsustvo kada dođe do povećanja osnovice za obračun plaće zaposlenima u institucijama Bosne i Hercegovine.

O b r a z l o ž e n j e

Važećom odredbom Odluke Vijeća ministara BiH o načinu i postupku ostvarivanja prava na naknadu za porodijsko odsustvo definira se da "zaposleni u institucijama Bosne i Hercegovine na porodijskom odsustvu imaju pravo na mjesečnu naknadu u visini prosječne neto plaće ostvarene u toku posljednja tri mjeseca prije otpočinjanja porodijskog odsustva".

Odredba je diskriminirajuća jer ne predviđa povećanje predmetne mjesečne naknade kada dođe do povećanja osnovice za obračun plaća zaposlenima u institucijama Bosne i Hercegovine, što dovodi do nejednakog tretmana zaposlenih, s obzirom na to da visina naknade zavisi od početka porodijskog odsustva i osnovice koja se primjenjivala za obračun u tom trenutku.

To dovodi do neravnopravnog položaja zaposlenih na porodijskom odsustvu u odnosu na ostale zaposlene, što je suprotno principima jednakih mogućnosti i zabrane diskriminacije propisanim Zakonom o ravnopravnosti spolova u Bosni i Hercegovini, posebno odredbama člana 3. ovog zakona.

S poštovanjem,

Rejhana Dervišević

Mira Pekić

Rejhana Dervišević
Mira Pekić